

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1707224817 որոշումն անփոփոխ, իսկ գանգատն առանց բավարարման թողնելու մասին

<<18>> 01 2018թ. 12-4-2834-18/12-4-243

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյան, ուսումնասիրելով <<Կոնսեր>> ՍՊԸ-ի տնօրեն Համլետ Ավագյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

<<Կոնսեր>> ՍՊԸ-ի տնօրեն Համլետ Ավագյանը դիմումով հայտնել է, որ **BMW** մակնիշի 444 ՍՕ 12 համարանիշի տրանսպորտային միջոցը վարել է ՍՊԸ-ի վարորդ Գագիկ Ավագյանը և խնդրել է նշված տրանսպորտային միջոցով կատարված իրավախախտումով կայացված թիվ 1707224817 որոշումը վերահասցեագրել վերջինիս:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 7-րդ հոդվածի 6-րդ մասի համաձայն գանգատը (բողոքը կամ հայցադիմումը) կարող է ներկայացվել վարչական ակտի հասցեատիրոջ կամ խախտում կատարած անձի կողմից և պետք է պարունակի խախտումը կատարած անձի անունը, ազգանունը, վարորդական վկայականի սերիան և համարը, քնակության վայրը, ինչպես նաև դրան պետք է կցվեն գանգատը ներկայացնող անձանց անձնագրերի և տրանսպորտային միջոցի հաշվառման փաստաթղթի պատճենները: Եթե տրանսպորտային միջոցն օգտագործվում է գրավոր պայմանագրի հիման վրա, ապա գանգատին (բողոքին կամ հայցադիմումին) պետք է կցվի նաև պայմանագրի պատճենը:

Դիմումի ուսումնասիրության ընթացքում պարզվել է, որ դիմումատուն չի պահպանել վերոնշյալ իրավանորմով սահմանված պահանջները, մասնավորապես չի նշել վարորդի վարորդական վկայականի սերիան և համարը, չի կցել վարորդի անձնագրի պատճենը, ուստի այն բավարարման ենթակա չէ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1707224817 որոշումը թողնել անփոփոխ, իսկ գանգատն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել <<Կոնսեր>> ՍՊԸ-ի տնօրեն Համլետ Ավագյանին (ծանուցման հասցե՝ Արմավիրի մարզ, ք. Վաղարշապատ, Ավետիսյան փ., 2.46Ա) և ՏՄՀԽԱ կենտրոն:



Ե. Կարապետյան